

27-09-2025

आकाशवाणी

1. प्रधानमंत्री नरेन्द्र मोदी होरे ओडिशा दे दौरे पर जा रहे न, जित्थुआं ओ 60 हजार करोड़ रुपें शा मती लागत आली विकास परियोजनाएं दा उदघाटन करगंन ते नीह पत्थर रखगंन।
2. प्रधानमंत्री होर 97 हजार 5 सौ मोबाईनल 4G टॉवरें दा उदघाटन करगंन, जिनेंगी 37 हजार करोड़ रुपें दी लागत कन्नै स्वदेशी तकनीक राएं बनाया जाग।
3. केन्द्रीय पेट्रोलियम मंत्री हरदीप सिंह पुरी होरें घोषणा कीती ऐ जे अंडमान द्वीप कन्नै लगगदे समुन्द्र च प्राकृतिक गैस पाई गई ऐ।
4. विदेशमंत्री डाक्टर एस. जयशंकर होरें आखेया ऐ जे ब्रिक्स सकारात्मक सुधारें ते तर्कशीलता दी इक मजबूत आवाज बनियै उसलै उठी खड़ोता ऐ, जिसलै बुहराष्ट्रवाद गी चुनौति बनी दी ऐ।
5. इजराईल दे प्रधानमंत्री Benjamin Netanyahu होरें उन्हें पश्चिमी देशों दी निंदेया कीती ऐ जेहड़े फिलिस्तीन गी मान्यता देआ रहे न।
6. एशिया कप क्रिकेट च सुपर-4 दे अखीरले मैच च भारत नै श्रीलंका गी हराइयै फाईनल थाहर बनाई लैती ऐ।
7. नर्मो दिल्ली दे जवाहर लाल नैहरु स्टेडियम च अज्ज 12मीं विश्व पैरा Athletics चैंपियनशीप 2025 शुरू होआ रही ऐ।



PM Odisha Visit

प्रधानमंत्री नरेन्द्र मोदी होर अज्ज ओडिशा दे इक दिन दे दौरे पर जा रहे न। प्रधानमंत्री होर अपने दौरे च झारसुगुड़ा थमां 60 हजार करोड़ रुपें शा मती लागत आली कई विकास परियोजनाएं दा उदघाटन करगंन ते नीह पत्थर रखगंन। एह परियोजनां दूर-संचार-रेल-उच्च शिक्षा-सेहत-कौशल विकास-ग्रामीण-आवास ते होरनें खेतरें कन्नै सरबन्धित न। प्रधानमंत्री होर इस मौके पर इक जनसभा गी सम्बोधित बी करगंन। दूरसंचार आले खेतर च प्रधानमंत्री होर 97 हजार 5 सौ 4-जी मोबाईल टॉवरें दा उदघाटन करगंन-जिनेंगी स्वदेशी तकनीक कन्नै 37 हजार करोड़ रुपें दी लागत कन्नै बनाया गेदा ऐ। प्रधानमंत्री होर किश महत्वपूर्ण रेल परियोजनाएं गी राष्ट्र गी समर्पित करगंन ते किश दा नीह पत्थर रखगंन। इनें रेल परियोजनाएं कन्नै इलाकें च संचार-सम्पर्क ते विकास च तेजी आग। प्रधानमंत्री होर “अमृत भारत एक्सप्रेस” गी बी झंडी दस्सियै शुरू करगंन जेहड़ी बरहामपुर ओडिशा ते सूरत गुजरात बंशकार चला करोग।

राष्ट्रीय पड़ताली एजेंसी NIA नै आतंकवाद संगठन हिजबुल-मुजाहिद्दीन दे इक कारकून दी अचल सम्पत्ति गी जब्त कीता ऐ-जेहड़ा कश्मीर घाटी च आतंकवादी गतिविधियें गी बढ़ावा देने ते हथियार ते असलें दी सप्लाई च सक्रिय हा। NIA दी जम्मू च इक विशेष अदालत दे निर्देश पर तारिक अहमद मीर दी अचल सम्पत्ति गी जब्त कीता गया ऐ-जिसी इस बरे अप्रैल च गिरफ्तार कीता गया हा ते जेहड़ा इक चार्जशीट च आरोपी ऐ। NIA मुजब भारत दी शांति-स्थिरता ते रमानदारी गी खत्म करने दे मकसद कन्नै-कश्मीर घाटी च सक्रिय आतंकवादी नैचवर्क खिलाफ जारी NIA दी कारवाइयें तैहत एह सम्पत्ति जब्त कीती गई ऐ।

<><><><><><>

Israel PM

इजराईल दे प्रधानमंत्री Benjamin Netanyahu होरें स्वतंत्र फिलिस्तीन दा निर्माण करने बारे दंऊ राज्यें आलें समाधान गी ए आखदे होई खारिज करी दिता ऐ जे ए हल उन्दे मुख्यें लेई आत्मघाती ऐ। न्यूयार्क च जंदी राती संयुक्त राष्ट्र महासभा च दिते गेदे अपने भाषण च श्री Netanyahu होरें फिलिस्तीन गी मान्यता देने गितै फ्रांस, कैंनेडा ते ब्रिटेन सनं पच्छमी मुख्यें गी नासमझ करार दिता। उनें इस हफ्ते संयुक्त राष्ट्र महासभा दे इजलास च इजराईल दे कन्नै खुदमुख्तेयार फिलिस्तीन दी मौजूदगी आले 2 राष्ट्र आले समाधान गी बी पूरी तरह नकारी दिता ऐ।

<><><><><><>

Asia Cup Cricket

एशिया कप क्रिकेट च सुपर-4 दे खीरी मैच च भारत नै श्रीलंका गी सुपर ओवर च हराई दिता ऐ। इस जित कन्नै भारतीय टीम बिना कोई मैच हारे दे फाईनल च पुज्जी ऐ जित्थे ओदा मुकाबला पाकिस्तान कन्नै होग। एदे शा पैहले भारतीय टीम नै पैहले बल्लेबाजी करदे होई 20एं ओवरें च 5एं विकेट दे नुकसान पर 202 रनज बनाए। लक्ष्य दा पिच्छा करदे होई श्रीलंका दी टीम बी 20एं ओवरें च 202 रनज गै बनाई सकी-जेदे मगरा मैच दा फैसला सुपर ओवर च कीता गया। श्रीलंका दे पथून निसंका गी उंदी शानदार शतकीय पारी लेई “मैन ऑफ दा मैच” दा खिताब दिता गया।

<><><><><><>

World Para Athletics

12मीं विश्व पैरा एथलैटिक प्रतियोगिता 2025 अज्जै थमां नमीं दिल्ली दे जवाहर लाल नैहरु स्टेडियम च शुरु होआ रदी ऐ। 9 दिनें तोड़ी चलने आली इस प्रतियोगिता च कुल 186 तगमें गिते

मुकाबले हौगन जेदे च 101 तगमें पुरुष- 84 तगमें महिलां ते इक मिक्सड वर्ग च दिता जाग। इस प्रतियोगिता च सौ देशें सवां इक हजार थमां बी बद्ध खडारी हिस्सा लै रदे न। प्रतियोगिता अगले महीने दी 5 तरीक गी समाप्त होग।

<><><><><><>

MIG –Farewell

6एं दहाकें दी सेवा मगरा भारतीय वायु सेना दे लड़ाकू हवाई जहाज मिग-21 गी कल खीरी विदाई देई दिती गेई। विदाई समारोह कल चंडीगढ़ च आयोजित कीती गया हा-जेदे च रक्षामंत्री राजनाथ सिंह-सी.डी.एस. जनरल अनिल चौहान द्विवेदी ते वायु सेना प्रमुख वी.आर. चौधरी बी मौजूद हे। इस मौके ऊपर रक्षामंत्री राजनाथ सिंह होरें आखेया जे ऐसे कैई मौकें न जित्थें मिग-21 नै अपनी फैसलाकुन सामर्थ गी साबित कीता ऐ।

<><><><><><>

IMD Weather

मौसम मैहकमे नै मध्य ते दक्खनी भारत दी कैई थाहरें भारी बरखा होने सरबंधी ओरेंज अलर्ट आली चेतावनी जारी कीती ऐ। मौसम मैहकमे नै आखेया जे आंध्र-प्रदेश-तटीय कर्नाटक-गुजरात-झारखंड-मध्य-प्रदेश-अंतरुनी कर्नाटक- तामिलनाडू-पुडुचेरी-कराईकल-पच्छिम बंगाल ते सिक्किम च कैई थाहरें भारी बरखा होई सकदी ऐ। मौसम मैहकमे मुजब मध्य-महाराष्ट्र-मराठवाड़ा-ओडिसा-कोनकन ते गोवा च अगले 3 थमां 4 दिनें तोड़ी बड़ी भारी बरखा होने दी संभावना ऐ। मैहकमे नै इस महीने दी 30 तरीक तोड़ी छत्तीसगढ़-सिक्किम-पच्छिम बंगाल-तेलंगाना-रयालसीमा-झारखंड-बिहार-आंध्र-प्रदेश ते अंडमान निकोबार टापुएं च बिजली चमकने ते अंधी-झकखड़ चलने दी बी पेशगोई कीती ऐ।

<><><><><><>

Read by	:	Rajesh Kumar
Stand by	:	Natya Pal Singh
D.E.O.	:	Rajni Devi
Skilled	:	Rajat Paul
Editor	:	Kunal Shrivatsa